

Vischnaunca da Breil

Uorden executoric pil menaschi biblioteca

Uorden da menaschi

En la biblioteca ei igl access garantius ad in e scadin durant il temps d'avertura.	Temps d'avertura
Ei sa vegnir empristau ora tochen 4 cudischs per persuna el medem mument. Sur d'excepziuns decida il bibliotecari.	Mieds d'emprest
Igl ei pusseivel da schar reservar cudischs. Cudischs ch'ei buc egl inventari san sin giavisch vegnir retratgs d'autras bibliotecas.	Reservaziuns
Il temps d'emprest munta ad in meins. Prolungaziuns ein pusseivlas, aschilunsch ch'il cudisch ei buca gia servaus.	Temps d'emprest
Ei il temps d'emprest spariu vegn tarmess in'admoniziun. Las spensas d'admoniziun muntan a:	Temps spariu
1. admoniziun frs. 2.– 2. admoniziun frs. 5.–	
Il mieds empristai ston vegnir tractai cun quita. Tier donns ni sperdita sto igl utilisader pagar pil remplazzament dil mied.	Responsabladad
Igl emprist d'in cudisch cuosta frs. 2.– il meins. Cun in abbonament sa il singul retrer durant 1 onn tons cudischs sco el vul.	Taxas/ abonnements
singul frs. 20.– famiglia frs. 30.–	Il mieds d'abonnements cuostan
Scolars dalla vischnaunca che visetan la biblioteca durant il temps da scola cul scolast han il dretg d'empristar cudischs gratuit.	
La cumissiun fixescha il temps d'avertura e publichescha en las scolas dalla vischnaunca sco era el feagl official tenor basegns.	Temps d'avertura
La responsabladad dalla biblioteca porta il bibliotecari. La survigilanza dalla biblioteca ha la cumissiun da biblioteca.	Responsabladad e survigilanza

Menaschi da finanzas biblioteca

Contos biblioteca	<p><i>Entradas</i> Contribuziuns dalla vischnaunca Contribuziuns dil cantun Contribuziuns d'emprest</p> <p><i>Expensas</i> Cuosts da personal Cuosts d'investiziun (mieds novs) Cuosts da menaschi</p>
Donnaziuns	Donnaziuns en favur dalla biblioteca astgan buca vegnir duvradas per cuosts da menaschi e cuosts da personal. Ellas astgan vegnir duvradas soli per novs mieds da biblioteca.
Cuosts da menaschi	Pils cuosts da menaschi obtegn il bibliotecari in credit annual da frs. 2000.–. Inaga ad onn dueigi el far giu quen cun l'administraziun. Il conto da contribuziuns per emprests meina il bibliotecari e surdat las entradas inaga ad onn all'administraziun.
Extraordinari	Per expensas extraordinarias buca previdas el preventiv sto vegnir fatg ina damonda da credit alla suprastanza. Il bibliotecari e la cumissiun da biblioteca survegnan dall'administraziun communal il quen annual dalla biblioteca.

Uorden da salarisaziun

Paga bibliotecari	Il bibliotecari vegn salarisaus tenor norma da salarisaziun dalla vischnaunca da Breil. La paga ura munta actualmeins a frs. 15.–. El surdat il rapport da lavur al president dalla cumissiun per empalar el vinavon alla suprastanza communal.
Paga gidonters	La paga dils gidonters munta actualmeins a frs. 12.– per ura. Il bibliotecari tegn quen dallas uras da lavur ed surdat quel al president dalla cumissiun per informaziun ed alla suprastanza communal per il pagament.

Tier cuors da perfecziun han il bibliotecari ed ils gidonters il dretg Spesas
 dallas spensas da viadi e d'alimentaziun, il temps denton vegn buca indemnisaus.

Ils cuosts da personal astgan buca survargar la summa dil preventiv pigl on current. Adataziuns dalla salarisaziun e dalla carischia decida la suprastanza communal. Preventiv

Carnet da pensum pil bibliotecari

Pil menaschi dalla biblioteca ein las suandontas prescripziuns ligiontas: Fundament

1. Reglament dalla biblioteca
2. Uorden da menaschi

Il bibliotecari ei responsabels pil menaschi dalla biblioteca. En general

Il bibliotecari instruescha ses gidonters en tuttas lavurs da biblioteca. Midadas essenzialas drovan il consentiment dalla cumissiun. Pertuccont engaschi da gidonters setegn il bibliotecari vid igl uorden da salarisaziun e vid il preventiv. Personal

Il bibliotecari ei responsabels per la cumpra da novs mieds. Il bibliotecari ensemen cun ils gidonters prepara ils novs mieds tenor la norma da biblioteca Svizera. Mieds buca actuals dueigien vegnir allontanai. Inventari

Il bibliotecari ei responsabels per il survetsch d'emprest. El organisescha ils gidonters ch'ei a disposiziun las uras che la biblioteca ei aviarta. Temps d'avertura

Il bibliotecari ei responsabels per in bien uorden ed in'emperneivla admosfera en biblioteca. Uorden

Il bibliotecari arva la biblioteca per gruppas (scolas, cuors ect.) tenor basegns e communichescha quei alla cumissiun sco era al pedel. Disposiziun

Il bibliotecari ei responsabels per la reclama. El ellaborescha ensemen cun la cumissiun il concept da reclama. Reclama

Finanzas	Il bibliotecari controllescha tut ils quens ed empeila vinavon quels all'administrasiun communal pil pagament. El ei responsabels ch'il preventiv vegni tenius en. Il preventiv vegn tschentaus si dil bibliotecari ensemen cun la cumissiun e suttamess alla suprastanza communal per l'approbasiun.
Rapports	Il rapport annual dil bibliotecari sto vegnir approbaus dalla cumissiun e dalla suprastanza communal.
Collaboraziun	Il bibliotecari sestenta per ina buna collaboraziun cun gidonters e cumissiun.
Vigur	Quest carnet da pensums va en vigur cun l'approbasiun entras la suprastanza communal en la seduta digl 01 da matg 1991.

En num dalla suprastanza communal

Il president: *Augustin Cathomen*

Il canzlist: *Fridolin Cahenzli*